

Zittrisch, schwitzisch
 Ligsch nur im Bett, weisch nid was für Zit isch
 Zwieback isch aus, wo du frissisch
 Chum mach dir ä Fröid, chum hou dr ds 2.0
 Chum hou dir dr Schlüssu zu däm
 Diräkt i di Venä, Crack für dis Fernweh, Tracks si wi Feriä
 U du ziesch dir di Lines i di Chopf u dr Bodä wird weich wi Sand
 Du steisch am Strand und chunsch nüm drus
 Ghörsch ds Meeresruschä, abr hesch eh ä Rusch
 U dr Himmu treit Rouge
 D Sunnä sinkt u schint so schön, lug du wettsch nid tuschä
 Ey dä Sound isch wi Duschä, är macht di fresh, shades on
 Ligisch du hingerä, gspürsch di Biuder i dim Innerä
 Gspürsch dä Sand zwüsch dinä Finger dürärinnä wi Erinnrigä
 Und äs macht (Au Au Au)
 Und äs schmöckt so wi denn
 Wo si dir het gseit, si liebt di
 Odr wo si dir het gseit, dassd lieb bisch
 Abr si schieb itz trurigi Lieder, du kennsches

Du ghörsch dä Updatesound, dir wird heiss u chaut
 Du chasch nümm schlafä u ässä, luäg mau ufä Fiebermässer
 Yeah, ds isch nid Korea, abr 38° Grad, du überschrittisch ä Gränzä
 Itz chasch nüt meh drann änderä, nei

Di Melodiä chömä und göh
 Chömemer i Sinn u göh dür dis Ghör
 Dür dini Bluätbahnä
 Baby, di Lieder wi Fieber, si schüttlä di Körper
 U du meinsch, ds si numä Wörter
 Bis bim Break di Puus ufhört
 Abr i rettä di, weni rettä, de dicht winä Waud
 Obwoud bi mir ke Bletter fingsch
 Wüu i schribä ds nid uf
 I ha ke Stundälohn u drum schribi ds nid uf
 U wisäni mi us, de mit minä Papier
 Schusch wisä si mi us, aus hätti keni Papier
 I ha kes Blattplatz im Portemonnaie
 Ke platzblatti Aderä
 Abr i hader dä Haderäflow
 U d lahter lah blatterä mit jederä Letterä
 Da chasch du Promo machä wi blöd
 Logo uf T-Shirt, i Forä etc
 Lug mis Aubum wird wi Herbst, är laht di lah häräbletterä
 Dir heit weniger Gigs aus Fotoshooting
 Weniger Tracks aus Presstextä
 U i pressä Text i mi Head immr meh
 U sobaud i sä releasä, sisi dürä, yeah
 U si blibä im Head wi ungschribeni Gsetz
 Und oh wenis wett, ds bringsch nid uf Paper
 Wüu di si unbeschreiblech
 Und i beschribä nid ds Paper

Yeah, du ghörsch dä Updatesound, dir wird heiss u chaut
 Du chasch nümm schlafä u ässä, luäg mau ufä Fiebermässer
 Yeah, ds isch nid Korea, abr 38° Grad, du überschrittisch ä Gränzä
 Itz chasch nüt meh drann änderä, nei